

sum Jo: Aubry. 10: 1662.

Donam Authoris.

(I)

ΣΤΝ ΘΕΩ.

Consilium Hygiasticum,

Pro Illustriss. Excellentissq. Heroë, D^{no}.

JOHANNE LUCA, Marchione DURAZZO,
Extraordinario Serenissimæ Reip. GE-
NUENSIS Oratore, ad Augustissimum
CAROLUM II. Magnæ Britanniae
Regem, honorificentissimè misso, & ab eodem
paritèr excepto, Anno hoc, Æræ Christi nati,
MDCLXI.



QUUM ex rationali, & ad san-
ctiores Artis Apollineæ leges ac-
curatissimè instituto Stochasmo,
nobis planè plenèque compertum sit,
Nobilissimum Virum contumacioribus vis-
A cerum

cerum Nutricatui officialium, maxime verò Mesenterii ac Lienis obstructionibus impense obnoxium esse; eoque forsàn nomine, *Affectione* Hypochondriaca subinde molestatum fuisse, annis aliquot retrò abhinc elapsis, & non ita pridem graviori etiam Febre Tertianà; quumque omnimoda affectum horum eradicatione potissimum sperari debeat ab usu eorum remediorum, quæ obstructis ac Hypochondriacis certissimam spondent medelam: Eapropter, Eum humillimè duximus monendum, adhortandumque, ut, quamprimùm Patriæ feliciter redditus fuerit, insequentia Medicamenta, tempore, modo, ac ordine præscriptis, alacritè usurpando, salutis suæ prospiciat; impræsentiarum quidem (quod lugendum) vix satis constanti, ast omnibus melioris Genii hominibus haud immeritò charissimæ.

Exordium, igitur, commodissimè sumatur à benigniori primarum viarum

(3)

rum ablutione : cui scopo adprimè satisfaciet hujusmodi Apozema solutivum.

Rc Decoct. Sennæ & Tamarindorum, in aqua Hordeacea facti, 3 iij. ℥.

Aceti Sambucini recentioris, 3 vj.

Rhabarbari optimi, minutim incisi, 3 j. ℥.

Agarici albissimi, pariter in frustula secti, 3 j.

Seminum Fœniculi dulcis, & Carui contusorum, ana 3 ℥.

Florum Macis amplior. Gr. vj.

Maceratione per 3. horulas, ad lentiorrem cinerum calorem, factâ, transcolatòque liquore, denuò admisceantur.

Syruporum Cichorei cum Rheo, & Rosarum solutivi, ana 3 vj.

Tartari Vitriolati, Gr. vij.

Ut fiat Potio, mane mox post solis exortum sumenda, cum regimine purgativo.

Impuritatibus è prima corporis regi-

A 2

one,

one, viscerumque confiniis, hoc pacto, cum Euphoria, exterminatis; postera luce celebranda veniet *Phlebotomia*: quæ dextrè administrari possit in magis conspicua vena cubiti dextri; unde effluere permittantur sanguinis 3 vij, aut circiter. Hoc autem *Illustriss. Marchioni* seriò persuadere nobis visum est, duplicem quidem ob considerationem: nimirum, ut per detractionem istam moderatam aliquantulum imminuto sanguinis pleonasmò, quicquid in vasis superest, liberiùs expeditiùsque per universum corpus suos peragat circuitus; utque tempestivè exonerentur viscerum penetralia, plenioribus ejusdem Laticis purpurei rivulis infarcta, & aliquatenus distenta. Experientia quippe multiplici sumus edocti, prudenter institutam venæ sectionem, quicquid in Arterioso venosòque genere redundat, deplere; distentum relaxare; inflammationi pronum contemperare; denique tum carnes, tum vasula ^{vega} red-
dere. Proxi-

Proximum locum sibi ex ordine vendicant *Deobstruentia* mitiora; talia tamen, quæ crassos, viscidos, salinos, sæcumque vini æmulos succos, in angustioribus Mesenterii meandris coacervatos, attenuando, incidendo, exagitando, sensim submoveant, præparentque ad commodiorem suo tempore deturbationem. Quocirca, sanguinis missionem citò excipiat usus Apozematis hujus deoppilativi.

℞ *Radicum quinque Aperitivarum*, ana
 $\frac{3}{4}$ ij. *Osmundi regalis* siccat. $\frac{3}{4}$ j. β . *A-*
sari $\frac{3}{4}$ β .

Corticum radicum Capparum, & *Tamarisci*, ana $\frac{3}{4}$ vj.

Folior. Agrimonie, *Ceterach*, *Lingue Cervine*, ana, M. j.

Flor. Sambuci, *Cichorei*, *Geniste*, ana M. β .

Uvarum Corinthiacarum, à sordibus repurgatarum, $\frac{3}{4}$ ij.

Seminum Endivie, & *Aquilegie*, ana $\frac{3}{4}$ ij.

Tartari ad Albedinem niveam loti, $\frac{3}{4}$ j.

Incisa.

(6)

Incisa & contusa leniter coquantur, ad B. M. calorem, per horam unam & alteram, in partibus æqualibus vini albi Oligophori, & Aquæ Fluvialis, ut post decoctionem saturatam remaneant Liquoris Libræ tres. Quibus exquisitè colatis, & clarificatis tandem affundantur

Syrupi è succo Fumariæ, ʒ vj.

Spirit. Vitrioli, sæpiùs rectificat, ʒ ij.

Ut conficiatur Apozema, de quo, mane, & appetente jam vespèrâ, exhibeantur ʒ v. continuò per triduum; abstinendo interim ab Epulis vespertinis.

Huic autem proximè succedat levior Catharsis, ex hujusmodi Catapotiiis.

Rx Pilular. Hieræ cum Agarico, ʒj. ʒ.

Resinæ Zalapii, Gr. viij.

Elixir.

(7)

*Elixir. proprietatis Paracelsi Guttulas
quot sufficiant.*

E commixtis formentur Pilulæ quin-
que, auro obryzo foliato hone-
standæ, primæque luce, in pulpa
pomi Buxtorfiani assati, degluti-
endæ: superhauriendo serum lactis
vaccini, succo Aurantii acidioris
sequestratum, atque ad jucundita-
tem saporis saccharatum; idque
toties quoties ventrem laxaverint.

Postridie hujus purgationis secundæ,
peropportunum erit ad *Ecphræctica* ge-
nerosiora progredi. Quorum è censu,
cæteris omnibus palmam dudum jam
præripuisse perhibentur è *Chalybe* com-
posita: non, mehercule, (ut rem,
quam πολλοὶ θαυμάζουν, ὀλίγοι γινώσκουσιν, mul-
ti mirantur, pauci verò intelligunt,
obiter heic subinnuere liceat) respectu
Sulphuris illius, quod Chalybi insitum,
virtute quadam pollere creditur insig-
niter

nitèr incisoria, quemadmodum precario statuunt plerique è Practicis; sed multo verisimiliùs quòd mala Hypochondriaca ferè omnia à Fermentationis vi proficisci videantur; eidemque compescendæ Chalybs summopere conducatur. Quippe si Aceto etiam acerrimo (cui serosa Melancholicorum colluvies certè haud multum absimilis existit) limaturam ejus, per noctis spatium, indiderit quis; postridie pro aceto aquam inveniet, omni acore spoliata. Cæterum, utcunque se habeat hæc res, prælonga, nec improspéra sanè Experientia sancitum fatemur, Chalybeata referendis viscerum obstructionibus convenire eximiè: proindeque Nos *viro Amplissimo* authores esse nulli dubitamus, eorum usum in se admittere nec recuset, nec ultra hic definitam *ἐνναγίαν* differat; eâ tamen lege, ut vitentur ea, quæ supra modum aut calefacere possint, aut exsiccare; & ut talibus consociantur, quæ
alvum

alvum quotidie muneris sui com-
monefaciant. Laudamus itaque Pi-
lulas Martis, hujusmodi artificio con-
fectas.

R *Massæ Pilular. Hieræ cum Agarico,*
3 j.

Rhabbarbari optimi pulverat, ʒ ij.

*Limaturæ Chalybis purissimæ, in polli-
nem subtilissimum redactæ, ʒ j. ʒ.*

Extracti Centaurei minoris, 3 j.

Salis Absinthii, ʒ ʒ.

*Terebinthinæ Cypriæ, quantum satis sit,
ut lentore ejus consistentiam induant
pilularem cætera commista.*

E massula hac formentur Pilulæ
mediocres, auro decorandæ, &
pondere ʒ ij. sumendæ, singulis
auroris, per dies viginti. Obser-
vandum autem præterea, ut post
unamquamque dosin & superbi-
batur serum lactis vaccini, in
quo Flores Cichorei & Borra-
B ginis

ginis incocti fuerint; & ut moderate exerceatur corpus, per horulam unam & alteram, vel (si ferant vires) ampliùs: ex utròque enim facultates Ecphræticôn haud parùm promovebuntur.

Porro dum hæc peraguntur, summè proficuum fore arbitramur, si *Illustriss. Marchio* se in Balneum Aquæ dulcis, bis tervè in septimana, ad humeros usque (si modo id ferre valeat, sin minùs semicupium subrogari poterit) immergeret. Quandoquidem *Galenus* (8. de loc. affect. cap. 6.) refert, solis Balneis aquarum dulcium se multos Melancholicos curasse, absque ullo alio medicamento. Nec sine fontica causâ profectò. Πολυδρία quippe, sive redundantia Seri in Lienosis, quæ proculdubio est πηγὴ τῆς ἐν τῷ σώματι κακῶν, fons eorum, quæ sunt in corpore, malorum, ut loquitur divinus

nus

nus Senex (*lib. de Flatibus 2. text. 19.*) tam per inconspicua cutis spiracula, quàm per Urinas evacuari exposcit.

Absoluto tandem, quicquid ad expediendos viscerum infarctus, humoresque vitiosos, *διὰ τῶν συμφορητικῶν χαλεῶν*, per loca lege Naturæ commodiora, pedetentim educendos, videretur requisitum; nil aliud agendum restabit, speramus, quàm ut partium malè affectarum intemperies, & *ἀτονία* successivè corrigantur: id quod haud difficulter præstabunt *Corroborantia*. Quorum è sylva sequens seligeremus *Electuarium*, mense integro dietim usurpandum.

Rx *Pulpæ Passularum Corinthiacarum*, vino Hispanico polygophoro decentèr extractæ, & per setaceum trajectæ,
 ℞ iij.

Conserv. Florum Borraginis & Buglossæ,
 ana ℞ ij.

Confect. Alchermes, 3 j.

Pulver. è chelis Cancror. marium simplicis, & Latitiæ Galeni, ana 3 ij.

Rasuræ Cornu Cervini, & Eboris pulverat, ana 3 j. ß.

Margaritarum præparat. 3 j.

Syrupor. è Corticibus Citriorum, & è Coralliis simplic. ana quantum sufficiat.

Ut fiat *Conditum*; cujus, mane, & sub vesperam, detur *Duella*: superhausto *Cyatho* duplici *Vini Rhemani Bacharacensis*, floribus *Cichorei*, *Borraginis* & *Buglossæ* imprægnati, nec non succi *Aurantii* pauxillo aculeati.

Dietæ regimen quod attinet, non est, profectò, cur super eo admodum solliciti essemus, aut curiosi. Nam *Magnificentiss. Heros* tam strictè sobrius est, atque abstemius; ut minimè metuendum, Ipsum gulæ indulgendo valetudini

letudini suæ unquam incommodaturum :
 tam prudens, ut appetitui suo fræna inji-
 cere probè noverit ; ab *Hippocrate* nostro
 dudum edoctus, quòd ἕκαστα ἔχουσιν ἰδίον, *ἵδιον*,
 διότι ἀφ' ἑαυτῶν καὶ βλάπτει, *habet unaquaque esca*, quo
profit, vel obfit.

Jam verò finem scriptiunculæ huic
 impositurus, primùm me converto ad
 Te, Deus ter Opt. Max. animarum
 juxta ac corporum Archiater : divinam
 Misericordiam Tuam supplex accedo,
 rogoque, ut auxiliis omnibus ac singu-
 lis à me heic præscriptis adesse velit,
 & benedictione singulari adspirare, ne
 optato successu frustrentur.

Deinde me converto ad T E, *Mar-*
chionum Nobilissime, qui oraculum es
 inclytissimi Senatus vestri, & totius *Li-*
guriæ spes. TIBI summas ago grati-
 as, quòd tenuitatem meam dignatus es
 in re maximi momenti, scilicet Sanitatis
 Tuæ, consulere : Teque submissè rogo,
 etiam

(14)

etiam digneris in hoc Consilio, quaecumque sit, agnoscere voluntatem officiosam, promptam, sinceram, quamque habere me decet ad omne omnino *Excellentiae Tuae* obsequium. Vale, *Vir Excellentissime*, & ad Nestoreos usque annos illibata sanitate perfruere. Ita toto animo vovet

EXCELLENTIÆ TUÆ

cultorum humillimus, Devotissimus,

Raptim dabitur
Londini, è
musæo meo,
24. Jan. Anno
MDCLXI.

GUALTERUS CHARLETONUS,
M.D. & *Augustissimi CAROLI*
II. Magnæ, Britannia Regis
Medicus Ordinarius.

